

serbski, do hromady snadź na 60 dušow. Přečiwo tomu zdželi namaj muž z Wik, zo stej tejle wsy hišće bóle serbskej nježli Wiki, zo pak tam džéći tež wjacy serbski njewuměja. Wjelčanski wučeř pak zaso piše, zo w Bobošojach jeno 6 wosobow serbski rěči, z čehož pak njeslěduje, zo jich tam wjacy serbski njerozumi.

VIII. Wosada: Maliń.

Malińsku wosadu tworja: cyrkwinska wjes Maliń (Greifenhayn) z Bukowinu (Buchholz) a Radowašojcami (Rahdensdorf), filiala Rašyny (Ressen) z Lubochowom (Lubochow) a Ljaskom (Ljask, n. Leeskow) a filialka Njamorojce resp. Jamorojce (Illmersdorf). — Šule maju Maliń, Lubochow a Njamarojce.

Mjena fararjow zhonich tute: Korn z Małego Dobrynja p. Khoćebuza — 1813, Stempel 1813—23, Blütchen, syn Łazowskeho fararja, 1823—61 a Góślaw wot 1862.

Korn a Stempel staj serbski předowało. Blütchen, kiž drje serbski rozumješe, dyrbješe při powołanju slubić, zo chce serbski předować, a wón je tež serbscy předował, ale tak žałostnje, zo bě skónčne wosada nuzowana, jeho prosyć, zo by ju ze swoim grawoći-wym serbskim předowanjom wjacy nječwělował. To bě jemu witane, a tuž předowaše jeno němski. Po smjerći Blütchena žadaše wosada zaso kruće fararja, kiž by serbskeje rěče mōcny był, a wudoby sebi tež wot kollatora, zo bu nětčiši farař Góślaw, dobry Serb a swěrny duchowny, za fararja powołany, ale Blütchen bě w dołhim času swojego duchownego pastyřstwa hižo telko skazył, zo jeho na-slědnik wjacy wjele zdžeržeć njemóžeše. Góślaw nětko w kóždej cyrkwi 3—4 raz za lěto serbski předuje a trójcy Bože wotkananje serbski wudžela. K serbskemu Božemu blidu přikhadža w Malinju zwjetša 10—12 wosobow, l. 1877 raz 17, l. 1880 11—17, w Rašynach l. 1872 11—13, l. 1873 7—12, l. 1880 5—10, w Njamorojcach w posledních třoch lětach 10—12. W l. 1862 přińdže w Malinju na 70 wosobow k Božemu blidu, tehdy pak sta so to pječa bóle dla opposicije přečiwo kollatorej, tež serbske kemše běchu tehdy hišće derje wopytane. Spěwali pak su tu na serbskich božich službach z najmjeňša hižo wot spočatka našeho stolěća jeno němske kěrluše. — Cyirkwina rada